

Zeitschrift: Nebelspalter : das Humor- und Satire-Magazin

Band: 81 (1955)

Heft: 15

Illustration: So, wäge mir chas etz losgaa!

Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>

lächz nachere füchte Ablänkig für d
 Innesyte vo mynere Chragewyti, do
 vernimm ich bierglasklar folgendi, an
 mich gerichteti Suggeschtivfrog: «Vu
 desiree, Mössjöh?» Jä nei, han ich
 dänkt und ha my Schärefärnrohr uf
 halbtotal ygstellt und schreg nach obe
 gneißt. Und was mueß ich hochsensitivs
 Aktivmitglied vo dr Glaibasler Gsell-
 schaft für nächtliche Umtriebe erbligge?
 Was? s Yvonne vo Müllhuuse – in voller
 Sunntignomidasusstaffierig! Mir isch so-
 fort dr Räschtposchte Biremoscht in de
 Elleböge suur worde und ich ha kugel-
 blitzartig gwüst: Jetz isch es passiert!
 Wenn si scho d Verschterkige us em Elsaß
 ynelöhn, denn isch dr Mubakarneval per-
 fäkt! Denn ka sicks für dr Johnny num-
 me no um e haschtigi Viertelsdraihig
 Richtig heimatlige Bunker handle! Was
 mainsch, ich will mir doch do nicht häll-
 beeschi Zickzacklinie in Buch stoh und
 zäh Dag lang nicht wüsse wohin! s Schär-
 beviertel gscht us wie s Bellvü z Züri am
 ene Börsedag hoch siebenezwanzig und
 wildfremdi Helveter verstuuche Dir d
 Poschtur und wänn unbedingt, daß me
 mit ene kunnt, gone Fondü hinter d Kra-
 watté go kläbe! Aber das isch nichts für
 den Johnny, do macht är sschyntod Männ-
 li, kriecht zue dr Zimmerlinde, rollt dr
 Steibruch vor d Höhli und wartet, bis er
 wider in d Glettysegäf ka, ohni daß ihn
 zählausig Zürcher und anderi Ersatzläbe-
 wäse an dr Verlengerig vo sym Glai-
 basler Läbenslauf muetwillig hindere!
 Villicht schnappt er aber au nach Züri,
 denn wenn eso vyl Zürcher z Basel sin,
 könnts eventuell sogar z Züri emol glatt
 sy! Verstohsch, hösch! Johnny



So, wäge mir chas etz losgaa!

afk

Mer sin wider unter uns

(No der Muschtermäß)

Aus: Blasius <Kleine Stadtmusik>
Benno Schwabe & Co. Verlag, Basel

s derft fir dismool wider glängt ha.
 Alli Dag wott is nit gschänggt ha,
 Sone Stadt voll Lärm und Grach.
 Autocars und Kinowäge;
 Fascht versuufft im fremde Säge
 Basel rächts und linggs vom Bach.

In der Stadt kunnsch niene dure,
 Alles schwätz mit fremde Schnure.
 D Fahne lampen aim ins Muul.
 Wo findsch aigedlig no Schärme
 Vor den Auto, vor em Lärme?
 Jede zäpf, und du wirsch fuul.

In dr Baiz wartsch e Semeschter
 Uff en Entrecôte vo geschter.
 Vor de Kino stoht me Schlang.
 Nyt waiß d Zytig als Reklame,
 z Oobe blinze fremdi Dame,
 Alles goht uff Kundefang.

Wil si z vyl Veltliner tangge,
 Gseht me d Schwyzer ummeschwangge;
 Mängge frogt, ischs hit, ischs morn?
 Wottsch du sälber frieh in d Glappe,
 Nyt isch! Zerscht muesch ain go schnappe
 Mit em Bsuech us Romanshorn.

Gäll, Ihr wärdets alli spyre?
 Scheen ischs, wider Feschtl z fyre
 Ohni Fremdi und Kongräß.
 Fasnacht, Stammdisch, Gryffemehli ...
 Basel, roll der Stai vor d Hehli!
 s näggsccht Johr wider! Adie Mäss!